

# Uprava policije - Oduzeta opojna droga, vozilo i drugi predmeti

30.07.2020 10:57



Dana, 29.7.2020.godine policijski službenici Odsjeka za borbu protiv zloupotrebe opojnih droga SKP Uprave policije MUP-a TK su obavljajući redovne poslove i zadatke na sprečavanju i suzbijanju zloupotrebe opojnih droga, pronašli i oduzeli određenu količinu opojne droge i druge predmete, na području Lukavca, Živinica i Doboj Istoka, i to:

- postupajući po Naredbi Općinskog suda u Lukavcu, izvršili pretres stana, pomoćnih prostorija i pmv. koje koristi A.K., rođen 1989.godine iz Lukavca, kojom prilikom su pronašli i privremeno oduzeli tri pakovanja od pvc. folije sa sadržajem bijele materije koja svojim izgledom asocira na opojnu drogu "amfetamin - speed", tanjir, dvije pvc. kartice i jednu cjevčicu na kojima se nalaze tragovi bijele materije koja svojim izgledom asocira na opojnu drogu i druge predmete. Navedeno lice je lišeno slobode i privedeno u službene prostorije radi kriminalističke obrade.
- u Lukavcu lišili slobode lica A.H., rođen 1988.godine iz Banovića, koji je nakon uočavanja službenika policije odbacio jedan veći pvc. paket u kojem se nalazila bijela materija koja svojim izgledom asocira na opojnu drogu "amfetamin - speed" i dijelove mobilnog telefona. Materija je privremeno oduzeta, a A.H. će danas uz Izvještaj biti predat Kantonalnom tužilaštvu Tuzlanskog kantona na dalje postupanje, zbog postojanja osnova sumnje da je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije BiH.
- u Živinicama izvršili pretres bez naredbe lica D.J., rođen 1994.godine iz Tuzle, kojom prilikom su kod istog pronašli jedno veće i jedno manje pakovanje od pvc. folije sa sadržajem bijele materije koja svojim izgledom asocira na opojnu drogu, kao i pretres bez naredbe lica A.S., rođena 2002.godine iz Sarajeva kod koje je pronađeno jedno pvc. pakovanje sa sadržajem bijele materije koja svojim izgledom asocira na opojnu drogu i jedno pvc. pakovanje u kojem su se nalazile dvije tablete bijele i roze boje koje svojim izgledom asociraju na opojnu drogu, nakon čega su oba lica lišena slobode i biće uz Izvještaj predata Kantonalnom tužilaštvu TK-a na dalje postupanje.
- zajedno sa policijskim službenicima OKP PS Doboj Istok - PU Gračanica, nakon prikupljenih operativnih saznanja, u parceli u mjestu Mala Brijesnica, općina Doboj Istok, vlasništvo A.A. pronašli i izuzeli dvije stabljike koje svojim izgledom asociraju na stabljike biljne vrste "cannabis sativa" dužine od 90 do 100 cm, dok su u istom naselju u parceli vlasništvo Z.K. pronašli i izuzeli četiri stabljike koje svojim izgledom asociraju na stabljike biljne vrste "cannabis sativa" dužine od 50 do 100 cm.

Takođe, dana, 29.7.2020.godine policijski službenici Odsjeka za borbu protiv zloupotrebe opojnih droga SKP MUP-a TK su u Živinicama, izvršili legitimisanje lica T.M., rođen 1967.godine iz Tuzle, kao i pregled pmv. marke „Ford C-max“ za koje isti nije posjedovao dokumentaciju. Navedeno lice je lišeno slobode, obzirom da je izvršenim provjerama u bazi potraga ustanovljeno da je za istim raspisana centralna potraga od strane Kantonalnog tužilaštva TK-a, dok je putničko motorno vozilo privremeno oduzeto.

O događajima je obaviješten kantonalni tužilac, a potrebne mjere poduzeli su policijski službenici koji nastavljaju daljnji rad na dokumentovanju istih.

---

*Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>*